

CRITERIOS PARA A SELECCIÓN CAMPIONATO DE ESPAÑA MTBO BADAJOZ 2024

O principal obxectivo de establecer uns criterios de selección, é regular o procedemento para a formación do grupo de persoas deportistas que representarán a Galicia no próximo Campionato de España de MTBO (CEMTBO) que se disputará en Badajoz na vindeira fin de semana do 20 e 21 de abril de 2024.

O ideal de anticipar a presentación destes criterios, débese á intención de posibilitar a participación no máximo número de probas ou adestramentos previos ao evento. Con data 26 de xaneiro de 2024, publícase a noticia do “Programa Xeral das Seleccións Galegas 2024”, coa idea de marcar uns prazos razoables para elaborar listas de persoas pre-seleccionadas, pero ao tempo que agardamos pola publicación dos regulamentos dos Campionatos MTBO a nivel nacional, onde se determinan, para cada tempada o número de persoas que puntúan, e polo tanto, compoñerán ás distintas seleccións (publicado en fedo.org o 30 de xaneiro).

Aínda non tendo publicado esa ideal primeira lista con anterioridade, atopándonos xa no mes do Campionato, o calendario FEGADO de MTBO contou con 4 probas previas, unha delas de liga nacional tamén, e un adestramento oficial. Isto permitiulle ás persoas deportistas interesadas en participar no CEOMTBO, a acumular resultados e demostrar o seu rendemento en diversas probas, garantindo unha selección xusta e completa.

Como realmente estes criterios non variaron dende a tempada pasada, podemos considerar tamén os resultados e participación nas Ligas Galegas e Nacionais de MTBO no pasado recente, así coma o actual 2024, dándolle a oportunidade ás persoas deportistas a ter máis continuidade na selección, debido á capacidade de planificar o seu adestramento con anterioridade e asegurarse proxección no futuro. Isto fomentará unha maior participación e compromiso dos deportistas, reforzando así o nivel competitivo para o campionato.

Dito isto, presentamos os criterios que se teñen en conta para establecer as persoas integrantes da selección Galega para o vindeiro CEMTBO, que contará coas seguintes probas:

- Campionato de España longa distancia (individual)
- Campionato de España media distancia (individual)
- Campionato de España distancia sprint (individual)

E coa suma das 13 mellores puntuacións individuais de persoas deportistas con licencia por FEGADO en cada unha destas distancias, se determinará a clasificación final no **Campionato de España por Comunidades Autónomas** (39 puntuacións en total), atendendo á seguinte desagregación (**novidade en 2024**):

- **5 mellores** puntuacións obtidas nas categorías **sub-20**: M/F15, M/F17, M/F20
- **4 mellores** puntuacións obtidas nas categorías **veteranas**: M/F40, M/F50, M/F60, M/F70
- **4 mellores** puntuacións obtidas nas categorías **senior**: M/F21, E/FE

En consecuencia, o grupo de selección da nosa Comunidade estará formado por un máximo de 13 deportistas masculinos e un máximo de 13 deportistas femininas, podendo quedar prazas vacantes.

Requisitos previos para poder formar parte da selección:

- 1) Ter licenza de tempada FEDO válida.
- 2) Cumprir os requisitos de idade para a competición a que aspiran.
- 3) Non estar sancionado pola FEGADO, FEDO, ou outros órganos competentes.

Criterios de selección:

- 1) Ranking das Ligas Galegas de MTBO 2023 – 2024
- 2) Resultados acadados nas diferentes probas de Liga Española 2023
- 3) Resultados acadados nas probas de Liga Galega dende o CEMTBO 2023 de Puebla del Río (Sevilla) ata o CEMTBO 2024 en Badajoz.
- 4) Resultados (ou a participación na organización) nas probas da Liga Galega MTBO 2024: O Bolo, Santiso media e Santiso mass start.
- 5) Outros: clasificación e participación en carreiras a nivel nacional e internacional.
- 6) Ademais dos resultados obtidos nas competicións oficiais, tamén se terá en conta a participación activa nos adestramentos preparatorios e tecnificacións que se organizaron no 2024 para as persoas

seleccionadas posibles. (Estes adestramentos son unha oportunidade inestimable para a mellora da condición física individual, perfeccionar a técnica de orientación en MTB e reforzar o traballo en equipo)

7) Decisión técnica. Por decisión da Dirección Técnica de FEGADO, previo informe da Vogalía de MTBO.